



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tractatvs De Necessitate Et Modo Ministrandi  
Sacramenta Tempore pestis**

**Chapeauville, Jean**

**Mogvntiæ, 1612**

17. An etiam sibi ipsi peste infectis?

**urn:nbn:de:hbz:466:1-41077**

communionem sumere: De aliis difficultas est, quæ prudenti pastoris iudicio penfanda est, potest enim talis esse aëris constitutio, ut omnes de ciuitate merito pro suspectis haberi possint, quibus consequenter alias rite dispositis, posset hoc sacramentum, etiam post sumptum cibum dari, ut colligere est ex illis, quæ initio huius tractus diximus.

QVÆSTIO XVII.

An etiam sibi ipsis peste infectis?

Quæstionis explicatio.

C<sup>A</sup>sus est talis: Pastor concepit pestem, nec est iis viribus, ut possit sacrificare, neque est alius sacerdos qui possit aut velit viaticum illi ministrare, habet vero præconsecratas hostias, quas pro communione suorum subditorum referuabat, tenebiturne sibi ipsis ministrare, an vero à perceptione viatici excusatitur?

Responso.

SI existimet sibi necessarium viaticum, puta, quia absentibus aliis sacerdotibus non potest aliud sacramentum recipere, tenetur sibi ministrare, quia in tali casu teneretur alteri ministrare, ergo & sibi ipsis. Confirmatur, quia cum sit pastor, habet

Y ius

ius dispensandi hoc sacramentum, & ipse est in necessitate sumendi, neque est qui illi ministret, poterit ergo, imo tenebitur sibi ministrare. Neque obest, quod extra sacrificium Missæ soleat sacerdos ex manibus alterius sacerdotis sacramentum hoc suscipere, quia hoc habet locum, cum aliud est sacerdos, qui velit illud ministrare. Deinde, nec hoc omnino alienum est ab usus ecclesiæ, quia in die Parasceues sacerdos communicat seipsum, licet non sacrificet. Præterea, si quid obstare deberet, hoc esset reuerentia sacramenti; sed nulla fit irreuerentia, quia manibus ad hoc sacratis sumiuntur cum debita animi & corporis dispositione, ut supponimus.

Dices: Quid si adest Diaconus, qui paratus est illi ministrare, tenebitur manibus Diaconi, an propriis sacramentum sumere?

a in 4. dist.

13. q. 4.

R<sup>e</sup>. (a) Durandus existimat, quod potius propriis manibus deberet accipere. Ratio eius videtur esse, quam statim insinuauimus, quia pastor habet ius dispensandi hoc sacramentum ex officio, quod non habet Diaconus, nisi ex facultate superioris Episcopi vel pastoris.

Dices secundo: Quid si Diaconus sit in simili necessitate, & sint ad manum hostiæ

præ-

præconsecratæ, tenebiturne sibi vnam ex illis pro viatico sumere?

R. Videtur quod sic, maximè accedente licentia Superioris, quia in illo casu teneretur alteri, ergo magis sibi ipsi, charitas enim incipit à se ipso, quod maxime in hoc casu verum est, dicit enim Ecclesiasticus: (a) *Miserere animæ tuae placens a c. 29.*  
Deo.

Dices tertio: Quid si Subdiaconus aut aliis in minoribus ordinibus constitutus sit in eadem necessitate, & habeat hostias præconsecratas, tenebiturne etiam sumere?

R. Quibusdam videntur teneri, vt  
(b) Caietano, Za, & Zuares, si loquuntur consequenter; quia hi habent aliquid plus iuris ad contrectandum hoc sacramentum, quam laici, qui tamen secundum illos in tali necessitate possunt & teneantur aliis ministrare: Et confirmatur, quia si quid obstaret, hoc esset, vel quia institutioni ipsius sacramenti repugnaret, vel alicui præcepto diuino: Sed neutrum obstat: Non primum; nam sacramentum hoc institutum est per modum cibis et autem naturale, ut quis suum cibum manibus propriis sumat: Non secundum,

Y 2 quia

quia non potest ostendit præceptum diuinum illud prohibens, ecclesiasticum autem non obligat cum tanto rigore, præferatim cum ius sibi subueniendi in tam gravi necessitate sit maxime intrinsecum.

## QVÆSTIO XVIII.

*Quis sit optimus & maxime probandus modus ministrandi hoc sacramentum tempore pestis?*

Quæstionis explicatio.

**A**bsoluimus duas huius capitatis partes, ostendimus enim qui teneantur vel non teneantur ministrare hoc sacramentum, & quibus teneantur, & quibus non: Sequitur tertia, qua examinandi sunt rhodi illud ministrandi, ut videamus qui illorum probandi sint vel improbandi, quod ut dilucidius fiat, duo præmittenda sunt: Primum, hoc esse singulare in hoc sacramento, quod etiam notauit Concilium

*a Sess. 13. de Eucharistia,* beat antequam ministretur: nam cætera omnia sunt dum ministrantur: unde consequitur, quod ad rem præsentem pertinet,

plures tempore pestis circa ministracione huius sacramenti nasci difficultates quam aliorum, hic enim ex duplice capite nasci possunt.